

**Jabur 68:1(1,2) Kaangguy pamimpinna koor. Jaburra Daud. (2) Jehovah ngadek, mosona epabalessudan, oreng se baji' ka Salerana padha buru asalebbudan.**

**Jabur 5:9,10(10,11) Sabab cacana moso abdidalem ta' ekenneng parcaja; atena possa' sareng sajja se juba'. Cacana manes ngapencot ate, namong, bucco' e dhalem baten. 10(11) Guste Jehovah, okommagi reng-oreng gapaneka, me' olle padha calaka' lantaran sajjaepon dibi'. Tondhungngagi reng-oreng gapaneka, lantaran bannya' dusana, sabab padha aberonta' ka Junandalem.**

**Jabur 7:1,2(1-3) Tangessa Daud, se enyanyeyagi kaangguy amolja'agi PANGERAN lantaran Kus, oreng Benyamin. (2) Guste JEHOVAH, Pangeran kaula, abdidalem ngaoba ka Junandalem; nyo'ona salamet, sareng palopottagi abdidalem, GUSTE, dhari para moso se nyerser abdidalem. 2(3) Ja' kantos moso abdidalem daddi padha sareng macan, abdidalem eeret sareng ecarakem, ta' kalaban manggi partolongan.**

**Jabur 11:6 Oreng jahat eokom eparenge balai, epadhatengnge apoy, balirang ban angen se ngello' sabarang se badha.**

**Jabur 18:2(3) PANGERAN padha ban binteng se koko kennengnganna sengko' ngaop. Tang Jehovah akantha gunong bato kennengnganna sengko' anaong. akantha tameng se notobi tang aba', se ajaga sengko' sopaja aman salanjangnga.**

**Jabur 18:14(15) Na-panana eocol saleng pajeddhat, so-moso padha epabalessudan; kelap patang kareddhap, ta' endha' ambu kabbi moso padha buru.**

**Jabur 18:17(18) Sengko' epasalamet dhari moso se parjuga, ban dhari reng-oreng se baji' ka sengko' reya, sabab reng-oreng jareya monggu ka sengko' talebat kowat.**

**Jabur 18:39(40) Junandalem marenge abdidalem kakowadan kaangguy aperrang, sareng kamennangan ka so-moso sadajana.**

**Jabur 18:45(46) Kabangalannepon ampon elang, sadaja padha ngetter kalowar dhari bintengnga.**

**Jabur 18:48(49) Sengko' epasalamet dhari tang moso. GUSTE, Junandalem marenge abdidalem kamennangan ka moso, abdidalem epasalamet dhari reng-oreng se kejjem.**

**Jabur 23:3 Sengko' eparenge kakowadan se anyar, ban etonton ka jalan se teppa', menorot janjina.**

**Jabur 27:11 Dhabuwagi ponapa kasokannepon Junandalem, GUSTE,**

- tontonnagi abdidalem e jalan se loros, sabab moso abdidalem ta' sakone'.**
- Jabur 31:15(16) Sareng Junandalem abdidalem epeyara terros; nyo'ona salamet abdidalem dhari sadajana moso, sareng dhari reng-oreng se nyerser abdidalem.**
- Jabur 34:4(5) Sengko' adu'a ka PANGERAN, Salerana nyaodi, katako'anna tang ate epaelang kabbi.**
- Jabur 34:7(8) Malaekadda PANGERAN ajaga oreng alem, malopot reng-oreng jareya dhari babaja.**
- Jabur 34:13(14) Ja' acaca'an barang se juba', ban ja' dujan nepo otaba lecegan.**
- Jabur 34:17-19(18-20) Mon oreng alem aserro, PANGERAN meyarsa'agi, reng-oreng jareya padha epalopot dhari karekongan. 18(19) PANGERAN semma' ka oreng se kene' ate; oreng se kaelangan samangat epasalamet. 19(20) Oreng becce' bannya' kasossa'anna, tape bi' PANGERAN epabebas dhari sakabbinna.**
- Jabur 35:1-8 Jaburra Daud. Guste PANGERAN, labannagi oreng se ngamoso abdidalem, perrangngagi oreng se merrange abdidalem. 2 Pondhut tameng sareng pangangguy perrangngepon Junandalem, ngereng ngadek, tolong abdidalem. 3 Angka' lembing sareng tombakkepon kaangguy ngadhebbi oreng se nyerser abdidalem. Ngereng adhabu ka abdidalem ja' Junandalem panyalamet abdidalem. 4 Oreng se mateyana abdidalem mogea parengngana epakala sareng epamalo. Se asakongkel ngamoso abdidalem mogea parengngana nyorot kabinongan. 5 Moga reng-oreng gapaneka eserserra malaekadda PANGERAN, atabuyan akadi sekkem eabber angen. 6 Moga reng-oreng gapaneka epokola malaekadda PANGERAN e lorong se petteng sareng lecen. 7 Parcoma reng-oreng gapaneka masang jebbak ajira'a abdidalem otabana ngale lobang mega'a abdidalem. 8 Moga reng-oreng gapaneka padha mateya ta' kalaban eka-sangka. Moga sadaja padha'a tajebbak e dhalem barajagga dibi', laju labu terros mate.**
- Jabur 35:10 Sengko' ngoca' kalaban gu-onggu ate, "Junandalem tadha' bandhingannepon, GUSTE! Junandalem masalamet se ta' gadhuwan kakowadan dhari oreng se kowat, masalamet oreng se mesken sareng nyangsara dhari reng-oreng se nendhes aba'epon."**
- Jabur 36:7-9(8-10) Ya Jehovah, kataresna'annepon Junandalem raja argana, manossa ngaop e baba'anna kalembangngepon Junandalem. 8(9) Manossa padha tobuk neddhha teddha'an se ta' sakera-kera e dalemmepon Junandalem, tobuk ngenom dhari songayyepon Junandalem se segger. 9(10) Junandalem somberrepon odhi'na mahlok sadajana, e dhalem terrangngepon Junandalem abdidalem sadaja nengale terrang.**
- Jabur 37:5 Passra'agi odhi'na ba'na ka PANGERAN, ngarep ka Salerana, tanto**

**ba'na eparenge partolongan.**

**Jabur 37:23,24 Pangeran nonton oreng e jalan se samasthena, ngaobi oreng se odhi'na katarema ka Salerana. 24 Mon labu, oreng jareya ta' kera berra' lokana, sabab PANGERAN tanto nyandhak tanangnga.**

**Jabur 37:40 Reng-oreng jareya epasalamet ban eparenge partolongan, epalopot dhari oreng jahat, sabab reng-oreng jareya nyo'on tolong ka Salerana.**

**Jabur 39:1(1,2) Kaangguy pamimpinna koor. Jaburra Daud. Kaangguy Yedutun. (2) Ca'na tang pekker, "Sengko' ajaga'a tang aba' sopaja sengko' ta' sampe'a agabay dusa bi' tang jila. Sengko' ta' acaca'a mon gi' badha oreng jahat e semma'na."**

**Jabur 41:4(5) Ca'na sengko', "Abdidalem dusa ka Junandalem, GUSTE, kaneserre sareng pabarassagi abdidalem."**

**Jabur 42:5(6),11(12) Arapa tang ate me' sossa ban posang? Sengko' ngarep ka Jehovah. Daddi sengko' asokkora pole ka Salerana, ka tang Alah panyalamet sengko' reya. 11(12) Arapa tang ate me' sossa ban posang? Sengko' ngarep ka Jehovah. Daddi sengko' asokkora pole ka Salerana, ka tang Jehovah panyalamet sengko' reya. (Jabur 43:5)**

**Jabur 43:1 Ya Jehovah, parenge abdidalem kaadilan, billa'agi abdidalem ngadhebbi bangsa se daraka; palopottagi abdidalem dhari oreng jahat sareng tokang tepo.**

**Jabur 44:4(5) Junandalem Rato sareng Jehovah abdidalem, se apareng kamennangan ka ommadda.**

**Jabur 51:4(6) Namong ka Junandalem, namong ka Junandalem abdidalem se dusa, ban abdidalem ngalakone sadajana se sareng Junandalem eanggep jahat. Daddi ampon sapantessa abdidalem eparenge okoman, kapotosannepon Junandalem adil sadajana.**

**Jabur 52:5(7) Tape ba'na bi' Jehovah bakal epatompessa salanjangnga, ba'na bakal etangkebba, eereda dhari bengkona, epamosna'a dhari dunnyana oreng odhi'.**

**Jabur 54:7(9) Junandalem malopot abdidalem dhari sadajana kasossa'an, ban abdidalem nengale moso abdidalem epakala.**

**Jabur 55:18(19) Sengko' epasalamet dhari serranganna moso, se padha dhateng anyo-ronyo.**

**Jabur 59:2(3) Pasalamettagi abdidalem dhari oreng se jahat, palopottagi abdidalem dhari oreng se dujan mate'e oreng.**

**Jabur 60:12(14) Abareng ban Jehovah sengko' ban ba'na gaga' parjuga, Jehovah jareya se makala mosona sengko' ban ba'na.**

**Jabur 63:11(12) Rato badhi anga-bunga lantaran partolongannepon Jehovah; oreng se asompa bit asmaepon Jehovah bakal amolja'agiya asmana, namong colo'epon oreng se lecegan bakal esompedda.**

**Jabur 66:3 Mara mator ka Jehovah, "Se elampa'agi Junandalem makasambu' ate onggu! Moso asojud katako'en ka Junandalem, amarga kobasaepon Junandalem talebat rajana.**

**Jabur 68:6(7) Jehovah apareng kennengngan ka oreng se kadibi'an, mabebas para tahanan sampe' padha senneng odhi'na. Tape reng-oreng se ta' atoro' ka Pangeran kodu enneng e tana se kajal.**

**Jabur 68:35(36) Makasambu' ate onggu Jehovahna sengko' ban ba'na e bakto kalowar dhari kalenggiyanna. Jehovah Isra'il marenge kobasa ban kakowadan ka ommadda. Molja'agi Jehovah!**

**Jabur 70:1(1,2) Kaangguy pamimpinna koor. Dhari Daud, e bakto ngatorragi kurban parengeddan. 2Ya Jehovah, nyo'ona salamet abdidalem, ngereng duli tolong abdidalem, GUSTE!**

**Jabur 71:4 Ya Jehovah, palopottagi abdidalem dhari oreng jahat, dhari kobasana oreng se kejjem sareng daraka.**

**Jabur 71:13 Diggal oreng se nyerrang abdidalem me' olle epamalo sareng epatompes, oreng se macalaka'a abdidalem me' olle eya-seya sareng katodhusen.**

**Jabur 72:12 Sabab salerana nolong oreng se tatendhes odhi'na se ta' gadhuwan kakowadan ta' bisa apa-ponapa, ban oreng mesken aserro nyo'on tolong ka salerana.**

**Jabur 76:12(13) Jehovah mapotong samangadda para pangobasa, to-rato padha katako'en ka Salerana.**

**Jabur 79:9 Nyo'ona tolong, abdidalem sadaja, Guste, Junandalem se masalamet abdidalem sadaja; parenge sapora sadajana dusa abdidalem sadaja, sareng pasalamettagi abdidalem sadaja bit kahormadannepon Junandalem.**

**Jabur 86:17 Parenge abdidalem tandhana kabecce'annepon Junandalem, GUSTE, sopaja oreng se baji' ka abdidalem padha malo, manabi nengale ja' sareng Junandalem abdidalem etolong sareng elepor.**

**Jabur 91:14,15 Dhabuna PANGERAN, "Oreng se taresna ka Sengko' bi' Sengko' epasalamedda, se ngakone Sengko' eberri'ana pangaoban. 15 Mon oreng jareya aserro ka Sengko', bi' Sengko' esaodana; e dhalem karekongan bi' Sengko' ebarengngana, e dhalem babaja epalopoda, ban eberri'ana kahormadan.**

**Jabur 92:11(12) Abdidalem nengale kakala'anna so-moso abdidalem, reng-oreng se nyerrang abdidalem, abdidalem ampon mereng sadajana sajjaepon se jahat.**

**Jabur 103:10 Pangeran ta' ngokom sengko' ban ba'na satembang ban dusana, otabana apareng babales ka sengko' ban ba'na satembang ban kasala'anna.**

**Jabur 104:9 Junandalem nantowagi tes-bates se ta' kengeng elebadi aeng**

**gapaneka, sopaja ta' kantos abali ngambang neng e bume.**

**Jabur 107:6 E dhalem kasossa'an reng-oreng jareya aserro ka PANGERAN, bi' Pangeran eangkes dhari karekongan.**

**Jabur 118:10,12 Sengko' ekaromo' moso sabannya'na, kalaban kobasana PANGERAN bi' sengko' epakala. 12 Tang moso ngaromo' akantha nyarowan, kalaban kobasana PANGERAN bi' sengko' epakala. E dhalem saparngedep tang moso mate akantha apoy se rabbang e dhalem ombut.**

**Jabur 121:7,8 PANGERAN bakal ngaobana ba'na dhari babaja, Salerana ajaga ba'na sopaja ba'na salamedda. 8 Salerana ngaobi ba'na e bakto ba'na ondur ban dhateng, sateya ban salanjangnga.**

**Jabur 138:3 E bakto abdidalem aserro ka Junandalem, Junandalem nyaodi, Junandalem makowat ate abdidalem kantos abdidalem daddi bangal.**

**Jabur 140:1(1,2) Kaangguy pamimpinna koor. Jaburra Daud. (2)**  
**Pasalamettagi abdidalem dhari oreng daraka, GUSTE, jaga'agi abdidalem ngadhebbi oreng se ngalakone kakerrasan.**

**Jabur 140:4,5(5,6) Adhu GUSTE, palopottagi abdidalem dhari kobasana oreng jahat, jaga'agi abdidalem ngadhebbi oreng se ngalakone kakerrasan se amaksod maancora abdidalem. 5(6) Oreng angga' ta' asa'-kasa' masang jira' nangkebba abdidalem, sareng masang jaring mega'a abdidalem. E salanjangnga lorong reng-oreng gapaneka masang jebbak ajira'a abdidalem.**

**Jabur 142:6(7) Peyarsa'agi serro abdidalem paneka, sabab abdidalem talebat nyangsara. Pasalamet abdidalem dhari moso abdidalem sadajana, sabab monggu ka abdidalem moso talebat kowat.**

**Jabur 143:9 Abdidalem entar nyareya pangaoban ka Junandalem, palopottagi abdidalem, GUSTE, dhari sadajana moso.**

**Jabur 147:14 Salerana ajaga dhaerana ba'na sopaja teptebba aman, makennyang ba'na ban gandum se paleng bagus.**

**Jabur 149:6-9 Dina reng-oreng jareya me' olle ngagungngagi Jehovah kalaban sowara se ranyeng, sambi neggu' peddhang se la egangse 7 kaangguy males ka sa-bangsa ban ngokom ku-suku bangsa; 8 kaangguy ngalenthong to-rato ban arantay para pangobasana; 9 kaangguy ngokom sa-bangsa kalaban dhabuna Jehovah. Jareya kamennanganna ommat se ekataresnae Salerana. Molja'agi PANGERAN!**